

Identificirane još tri žrtve iz Vlasenice

Autor Sanel Babic

Utorak, 20 Travanj 2010 20:08 - Ažurirano Utorak, 20 Travanj 2010 21:49



Među žrtvama i 14-godišnji dječak Edin Hamidović

Danas je u Komemorativnom centru Tuzla obavljena identifikacija još tri tijela ubijenih sa područja opštine Vlasenica. Tijela su ekshumirana u masovnim grobnicama na području Vlasenice i Šekovića.

Identifikovani su: Arnaut (Rifet) Fikret (1961-1992), Mekić (Smajo) Rizo (1937-1994) i četrnaestgodišnji dječak Hamidović Edin iz sela Zaklopača.

- Danas smo prisustvovali posljednjem zakazanom terminu identifikacija žrtava sa područja opštine Vlasenica. Najavljeno je održavanje sastanka sa dvije porodice što je rezultiralo potpisivanjem zapisnika o identifikaciji. U međuvremenu, jedna porodica četrnaestogodišnjeg dječaka sa područja opštine Vlasenica, koji je bio zatočenik logora Sušica, je izrazila želju da izvrši i potvrdi identitet, kako bi tijelo dječaka bilo pokopano na mezarju Rakita 24.04.2010.godine. Konačna cifra pripremljenih tijela za planirani ukop je 34 – rekao je Dževad Begtašević, predsjednik Udruženja „Porodice žrtava rata Vlasenica 92-95“.

